

Lekti

Tit a touvé
-------------	-------

Pandan sé lézot manmay-la té ka bay blag, té ka fè lafet san entjet, man té la, an fon loto-a, ka katjilé sa ki ka atann mwen asou chimen-an. Man pa té pé di man pa té sav man pa té kay rantré tousel oswè-tala; Édwa frè-mwen té vèti mwen i té kay kité lékol-la pli bonnè , padavwè i té ni an pofèsè ki pa té la. Men man pa té prévwa loto misié Likmàn té kay tonbé anpàn. Man pa té prévwa nonpli man té kay ni kat tjilomet pou fè nan fènwè-a. É épi tou sa, man ni Ponkafé pou mwen pasé; an koté yo prétann jangajé ka sanblé lannuit pou fè tjenbwa-yo.

... An model lapè anni vlopé mwen. Chalè lévé anlè mwen, man té ka swé kon an kannari chateny...Sa vré, an tan-an té ni an bri ka kouri konmkwa ni kòbiya ka pasé lannuit ranmasé tout moun ka trennen nan lari.

Janlwi LOWENSKI - Tousel an fènwè-a / Agoulou wa voras

1) Dapré désen- an, pasé an won alantou moun- lan ka palé a. Matjé poutji sé li ou chwézi.

.....

.....

.....

2) Kwaté bon répons- lan.

a) Loratè- a adan :

An bato

An l'avion

An loto

b) Moun-lan ka palé a sé:

An chofè taksi

An manmay- lékol

An jangajé

c) Tout pasajé ka pran direksion :

Lékol

Bòkay- yo

Bodlanmè

3) Matjé "W"(Wi) oben "N" (Non) :

- a) Lespri tout pasajé asou bon moman yo ké viv pita.
- b) Ni pawol asou sa ki pé fet lannuit ki pé terbolizé lespri moun.
- c) Ni pasajé ki présé vwayajé abò an kòbiya.
- d) Ponkafé sé an koté moun enmen frékanté pou asisté soley kouché.

4) Matjé dé mòso teks ka montré a ki moman listwa- tala ka pasé.

.....

.....

.....

5) Ki santiman ka paret kay moun- tala ? Matjé twa mòso teks ki ka montré santiman- tala.

.....

.....

.....

6) Dapré enfòmasyon ou pé trapé, touvé an tit ka lianné épi teks- la.

.....